

Duruma - Madzo-Mai Akili Maandiko - Good-Bad Mind Scriptures

Madzo-Mai Akili Maandiko - Good Mind Scriptures

Mariko 5:15 Ao ariphofika phokala Jeso, ámona ye mut'u yekala ulaviwa jeshi ra p'ep'o, usegere phapho uvala nguwo, na akilize zidziuyat'o kamare. At'u phapho, achogopha muno.

Luka 8:35 At'u achidza mairo kudzalola godzolairira. Achenda ta kokala Jeso, achendamona, na ye mut'u yekala udzimulavya p'ep'o wákala usegere phephi naye uvala nguwo, na akilize zidziuyat'o kamare. At'u phapho achogopha muno.

Mahendo 17:11 At'u a kuko mwendo wao wákala ni udzo kuchira wa arat'u a mudzi wa Tesalonike. Kwa vivyo, áuphokera na nyemi muno urat'u udzumbe, na achikala chila ts'iku anasomat'o Maandiko kulola kumba ganagwa sawa na gogombwa ni P'aulo.

Mahendo 20:19 Mimi niriphokala kuko, námuhihirahikira Bwana na kuno ninalaiwa ni matsozi, ela mino nichikala murumwengu vivyo. Na chisha, návumirira majezo manji, maana, Ayahudi fulani ákala achiniimira ngewa aniulage.

ARumi 7:24/25 Ndo mimi asena bee ni vivi: mimi mwenye mwiri, bee nihikirahikira Shariya ya Mulungu na moyo wangu tu. Ela chirat'u chinivuhacho kuhenda dambi, chinanihenda nihikirehikire yo shariya ya dambi. Aa! Heka ta ni mugayi vino mino? Ni ani yendenitivyva kulaa mazagazi gano garigo gananiulaga? Naalikwe Mulungu, anitivyaye kuchirira Bwana wehu Jeso K'irisito!

ARumi 8:6 Mut'u alilikanaye ga chimwiri, malairiroge ni chifo. Ela alilikanaye ga Roho wa Mulungu, Mulungu undamuhenda akale na uzima na reri.

ARumi 8:27 Mulungu amanyaye ta ga myoyoni mwa at'u, unavimanya vyo aambavyo ye Roho. Maana, ye Roho nikwavoyerat'a a Mulungu kutuwirizana na vyo vihenzwavyo ni Mulungu.

ARumi 11:34 Gago ganagwa sawa na Maandiko ga Mulungu gaambago, "K'akuna mut'u aidimaye kumanya maazo ga Bwana Mulungu, k'akuna mut'u aidimaye kumup'a utumia yiye.

ARumi 12:2 Mwimwi muricheni Mulungu agaluze genu ga myoyoni, kwa mwidime kumanya vyenye henzo ra Mulungu, yaani maneno madzo, maneno gamuhamirago yiye, na maneno gots'o ila yoyosi. Ela muts'ituwe maneno gahendwago ni at'u a chidunia.

ARumi 12:16 Mwimwi erekezanani, ts'idziunuleni, na ts'idzoneni mu abomu, ta mwi agwireni usena arat'u at'u a ts'ini.

ARumi 14:5 At'u anjine anaona kukala, ts'iku fulani ndiyo takatifu. Ela anjine o, anaona ts'iku zosi zi sawa. Ndo chila mumwenga naatuwe go agaonago ni ga haki.

ARumi 15:6 Mimi ninamuvoya Mulungu ariye ndiye ahutiyaye moyo, na ndiye ahuhendaye hukale avumiriri kukala, amuhende mosi mwerekezane, vyo mutuwavyo mufano wa Jeso K'Irisito,

1 AKorinto 1:10 Enehu a chijeso, ninamuvoya mosi kwa dzina ra Bwana wehu Jeso K'Irisito kukala, mwerekezane. Mwimwi ts'igavyaneni maduu-maduu, its'iphokala, kalani at'u amwenga enye azo mwenga, na lengo mwenga.

1 AKorinto 2:16 dza Maandiko ga Mulungu gaambavyo kukala, "K'akuna mut'u aidimaye kumanya maazo ga Bwana Mulungu, k'akuna mut'u aidimaye kumup'a utumia yiye."

2 AKorinto 7:7 Dzulu ya vivyo, siswi hwákaza kutiywa moyo ni go maneno madzo gokudzaambirwa ni Tito dzulu yenu. Yiye wáhwambira kukala, munatamani muno munone, munashononeka kwa gohendeka, na munaniunga mukono. Gago gánihenda nikaze kuhamirwa.

2 AKorinto 8:12 Maana, mut'u achikala una moyo wa kuhenza kulavya, na achilavya kutuwirizana na widimiwe, Mulungu unachiphokera cho chilaviwacho, kwakukala, k'alolera mut'u alavye cho aricho k'anacho. (1 Kronike 28:9)

2 AKorinto 9:2 Maana, ninamanya kare muna moyo wa kuhenza kulavya. Mimi ná-aambira na ngulu aa ajeso a jimbo ra Makedonia kukala, mwimwi ajeso a jimbo ra Akaya, mwákala mu kwete kulavya hangu mwaka dzana. Na vivyo vidziahenda anji phapha, akale na moyo wa kuhenza kulavya nao.

2 AKorinto 13:11 Enehu a chijeso, kumarigiza ni kwamba, Mulungu naakale phamwenga namwi. Na hendani vyenu vyosi mwidimavyo mukale at'u ots'o ila yoyosi, mutuwe malagizo gangu, mwerekezane, musagale na reri, na Mulungu ahuhenzaye na ahuhendaye husagale na reri, undakala phamwenga namwi.

AEfeso 4:23 Na mwáfunzwa vivyo kukala, maazo genu nigatawalwe ni Roho wa Mulungu.

AFilipi 2:2-5 Ndo ninamuvoya mino muhenzane, mwerekezane, na mukale na lengo mwenga, namwi phapho munihamye tsetsetse. 3 Mino ninamuhenza chila mumwenga akale murumwengu kwa munziwe ukati wosi, ats'idzone ni chit'u, amone ye munziwe ni chit'u, ela muts'ikale achoyo, hebu at'u a kudziunula. 4 Kuko nakuts'ikale mut'u wa kulola gakwe hichey tu, ela naalole ta ga anzie nao. 5 Mwimwi kalani na mwimo dza okala na Jeso K'Irisito:

AFilipi 4:2 Na dzulu ya gago wahi, ninaavoya ndugu zehu a chijeso a chiche, Eudiya na Sunitike aerekezane kwakukala, vivyo ndivyo ahenzwavyo akale at'u amukuluphirao Bwana Jeso.

AFilipi 4:7 Muchimuvoya, Mulungu undamup'a reriye yiriyo k'akuna mut'u aidimaye kuyimanya tsetsetse, nayo yindahuriza myoyo yenu na akili zenu, na yimuhende mwenderere kumukuluphira Jeso K'irisito. (Isaya 26:3)

AKolosai 3:12 Ajeso asena, mwimwi namwi mu at'u a Mulungu, na yiye unamuhenza, na wámutsgula kwa mukale at'ue. Ndo sambi kalani na myoyo ya mbazi, at'u adzo, arumwengu, ap'ore, na avumiriri.

2 ATesalonike 2:2 kukala, muts'ikale at'u ots'oyuga kwangaishwa akili, hebu kuyugwa ni o at'u aambao ts'iku ya kuuya Bwana yáfika kare. Ao ta akamwamba áona ono, ahendagafunulirwa, hebu ágasoma baruwani ayambayo yálaa kwehu, chisha mwi ts'iakuluphireni vivyo.

2 T'imoti 1:7 Maana, Mulungu wáhup'a Roho ahup'aye widimi, ahuhendaye huhenzaneni, na ahuhendaye hudzidinise kwa ta huts'ihende dambi, ela k'ahup'ire Roho wa kuhuhenda hukale aoga.

Tito 2:6 Atana nao, a-aambire vivyo aidime kudzidinisa kwa ta ats'ihende dambi.

ABurania 8:10 Ndo Lagano rondoriika na Aizraeli o ukati udzao ni riri: Malagizo gangu nindagatiya mwao akilini, na nindagaandika mwao myoyoni. Mimi nindakala Mulungu wao, nao andakala at'u angu.

1 P'etero 1:13 Ndo mwimwi lilikanani t'ot'ot'o, na mudzidinise kwa ta muts'ihende dambi vivi muloleravyo garat'u manoso garigo mundagapata yo ts'iku yiriyo Jeso K'irisito undauya.

1 P'etero 5:2 mukale razi kwamanyirira at'u a Mulungu ario ts'ini zenu, kwakukala, vivyo ndivyo Mulungu ahenzavyo, ela muts'ihendegaramishwa. Kazi yiyo yihendeni kwa kudzilavira, ela ts'iyihendeni kwa chipherephere cha p'esa.

2 P'etero 3:1 Enehu a chijeso nimuhenzao, baruwa yihi nimwandikirayo ni ya phiri, na mumu namo nidziheza kumukumbikiza-kumbikiza dzulu ya maneno murigo munagamanya kare dza vyohenda kwenye yo baruwa ya mwanzo, kwa ta mwidime kukala na maazo madzo.

Jakobo 1:17 Vit'u vidzo vyosi na vyots'o ila yoyosi, ni vipaji vilaavyo kwa Baba Mulungu, ariye u dzulu. Yiye ndiyeumba duwa, mwezi na nyenyezi, na yiye k'agaluka, ta unalavya mwanga wakao ukati wosi. (Ayubu 23:13)

Ufunulo 17:9 Mwimwi munahenzwa mukale na hekima yilaayo kwa Mulungu, ndipho mugamanye gaga. Vyo vitswa vifungahe vinaimirira virima vifungahe vyodzosagalirwa ni ye muchet'u. Chisha, vinaimirira afalume afungahe.

Madzo-Mai Akili Maandiko - Bad Mind Scriptures

Mariko 7:21 Maana, ndani ya moyo wa mut'u munalaa maazo mai, udiya, (Ezekieli 38:10)

Luka 12:29 H'a bee muts'iike mbere kutsakula chondorya hebu chondonwa, na muts'ibabaike kamare.

Mahendo 12:20 Herode Agiripa wákala k'apatana na at'u a midzi ya Tiro na Sidoni. Ela aa, its'i yao yákala yipata chakurya kulaa its'i yokala yinatawalwa ni ye Herode. Ndo achina Tiro na Sidoni áagwira adzumbe achiahuma kwa Bulasito, ariye wákala ni mumwenga wa o aimirizi abomu a Herode. Ao achendamwambira Bulasito kukala, midzi yao yinahenza yerekezane na Herode,

Mahendo 14:2 Ela Ayahudi anjine orema kukuluphira, áasunganya at'u a makabila manjine ta achitsukirwa, kwa aapinge ao ano P'aulo na Barinaba.

ARumi 1:28 At'u árema kutuwa gokala anagamanya dzulu ya Mulungu, na ndo Mulungu naye acharicha akale na akili za kuhenda kuhenda mai, kwa ta ahende go arigo k'aawirya kugahenda.

ARumi 8:6,7 Mut'u alilikanaye ga chimwiri, malairiroge ni chifo. Ela alilikanaye ga Roho wa Mulungu, Mulungu undamuhenda akale na uzima na reri. 7 Neno riro ni ra jeri kwakukala, mut'u alilikanaye ga chimwiri, bee ni mudawa wa Mulungu kulaa mwakwe moyoni. Ndo yiye unarema kumogopha Mulungu, na mwanzo ta ni k'aidima kumogopha Mulungu.

ARumi 11:20 Ni sawa, elako manyani kukala, ao Ayahudi anjine átemwa dza vitai kwa k'aakuluphirire, na mwimwi mudzikala dza vitai vya o muzeituni wa mundani kwa munakuluphira tu. Ndo rangu nimudinisiraro ni kwamba, muts'idziunule mwimwi, ela mogopheni Mulungu.

2 AKorinto 10:5 na hunagarima maneno gosi ga kudziunula, gaidimago kwaaziza at'u ats'imumanye Mulungu. Sino hunahenda maazo gosi ga at'u gakale ga kumogopha Jeso K'irisito.

2 AKorinto 11:3 Ela vivi mimi ni chimoyomoyo, kwakukala, garat'u gomupata Hawa, ganaidima kumupata ta mwimwi. Nyoka kwa welevuwe, wámulemba Hawa ta acharicha kumogopha Mulungu. Ndo mwimwi namwi, maazo genu ganaidima kuvurugwa ta mukaricha kukala aaminifu jeri kwa K'irisito.

AEfeso 2:3 Na ta siswi hosini hwákala hunga dza ao ataifa, hwákala hu chimwiri, na hwákala huhenda go huhumwago ni miiri, na akili zehu. Ndo kwakukala, hwákala hu adambi dza vyo arivyo ataifa osi, Mulungu wákala

undahutiya akili dza chila mut'u.

AEfeso 4:17 Enehu a chijeso, mimi dza mutumia wa Bwana bee ninamukanya kukala, muts'enderere kusagala dza at'u ots'omukuluphira Mulungu. Ao maazo gao k'agana tende, na a dzizani.

AKolosai 1:21 Mwimwi namwi pho p'indi mwákala mu kure na Mulungu, na mwákala mu adawae kwa maazo genu mai, na go genu mai gokala muchigahenda. (Proverbs 21:27; Ezekiel 23:17)

AKolosai 2:18 Ndo muts'ikubali kwambwa mu akosa ni at'u adzambao anamanya muno kuchira anjine kwa maono agaonago ao hichiyo, adinao kufunza kukala, at'u niadziike ap'ore kwa malaika, na aabudu ao dza kwamba ni Mulungu. At'u dza ao a tele maazo ga chidambi, anadziunula muno,

1 ATesalonike 5:14 Na hunamukalata mwimwi ajeso asena kukala, akanyeni ajeso ario ni akaha, atiyeni moyo ajeso ario a chiwogawoga, aavizeni ajeso ario ni anyonge, na kalani avumiriri kwa at'u osi.

2 ATesalonike 2:2 kukala, muts'ikale at'u ots'oyuga kwangaishwa akili, hebu kuyugwa ni o at'u aambao ts'iku ya kuuya Bwana yáfika kare. Ao ta akamwamba áona ono, ahendagafunulirwa, hebu ágasoma baruwani ayambayo yálaa kwehu, chisha mwi ts'iakuluphireni vivyo.

1 T'imoti 6:5 Gago gosi bee ganahendwa ni ao ario akili zao zábanangika, na k'aamanya ujeri. Ao anaona kumuhihirahikira Mulungu ni ts'umo.

2 T'imoti 3:8 At'u ao anapinga ujeri dza virat'u Jane na Jambere arivyomupinga Musa. Ao akili zao zábanangika, na kuluphiro rao ts'i ra jeri.

Tito 1:15 Chila chit'u ni chidzo kwa at'u ario myoyo yao ni midzo. Ela k'akuna chiricho chidzo kwa at'u ario ts'i adzo, na ots'okuluphira, kwakukala, akili zao na myoyo yao yábanangwa.

ABurania 12:3 Mwimwi lilikanani dzulu ya Jeso arivyturika, na arivyturiswa ni adambi okala adzimumena, ela ye achivumirira. Ndo mwimwi muts'ife moyo muts'idze mukalaira njirani.

Jakobo 1:7/8 Mwimwi manyani kukala, mut'u wa vivyo una myoyo miiri, na k'aidima kwamula kuhenda ut'u umwenga. Kwa vivyo, naats'one Bwana Mulungu undamup'a cho chakwe avoyacho.